

## Gajibowengh miinwaa Dibinoshinon-Zhiwe-Ayaayin

Owi gajibowengh gnimaa adaa naakinigaade apii temigag gichi zegizhiwebigowin. Bkaan apii, gnimaa woshme adaa waankiiwon awii ayaang biindig (dibinoshinon-zhiwe-ayaayin). Ninda inakonigewinan gagwech dibaachigaadenon zhiwe mazinaatesijigin, madowewechigan, gimaawin waasamo-asabi biiwaabik mazina-iganan, enji nibwaachidingh maage biiwaabikweyaabiins dowendaagosinag bemaadizijig wiindamaagewin.

### Gajibowengh

- Gajibowen goweta apii inakinigowin gewe gichi niizaanag gimaag miinwaa giishpin waankiiwin bagidinigiwin, maajiish okaanensag.
- Maajiidoon gdo gichi niizaanag nikaaziwin miinwaa azhaan odi agaa inakinigowin enji nakweshkidaadingh maage nakweshkidaadingh gamig.

### Dibinoshinon-Zhiwe-Ayaayin

- Gibaakwon kina waasechiganan miinwaa enji zaagijiitamong shkwaandeman.
- Aatebidoon kina nodin swe-aasijiganan, gazhisigewinan miinwaa dekaasijigemigag biiwaabikon awii bwaa biindige-aanimag onji agojiingh.

### Inoodewiziwin Gichi Niizaanag Naaknigewin

- Azhitoon owi gichi niizaanag naaknigewin miinwaa dazhindamag gnimaa gichi niizaanag ezhiwebikin giizhaa apii awii naazhinaman zegiziwin miinwaa zinagendamowin.
- Aanji ginowaabmdan gdo naaknigewin ensa nigo biboon miinwaa gagwejiin zhaayin odi gdo nakweshkidaadingh wiigwaaman.

### Nakweshkidaadingh Wiigwaaman

Wenaamdan niish nakweshkidaadingh wiigwaaman gnimaa aabdek awii maajaayin endayin maage gaawii maamdaa awii biskaabiin endayin wewiib gwa:

- Besha endayin.
- Zaagiji-iingh endinakiyin.

Awii zhitoyin debendaman Gichi Niizaanag Zhiitaangh Zhichigewin Naaknigewin azhaan [ontario.ca/BePrepared](http://ontario.ca/BePrepared).

## Aanke Nikaaziwinan

Gikendan woshme owi awaa zhichigeyin owi gichi niizaanag zhiwe endinakiyin gimaag gamig.

Ninda eni zhibiigaadegin nankiiwinan ada-aanaa-aa woshme gikendamowin owi gichi niizaanag zhiitaangh, ezhiwebak agojiingh wiindamaadiwinan miinwaa aanin bkaan gichi niizaanag gikendamowin jibwaa, epiichi miinwaa shkwa gichi niizaanag.

- Canadian Red Cross
- Environment and Climate Change Canada
- Hydro One
- Insurance Bureau of Canada
- Public Safety Canada

### Aabaji Digoyaan

- Dikonan giigido biiwaabikonsingh giigidowin miinwaa waasamo-asabi biiwaabik mazina-igan d'kwaamigag miinwaa ojina waasamo biiwaabikoonsan nikaaziwin awii bwaa mooshkinag.
- Giigidan 911 onji gikaadi dikoniweninwog, iskidemigag maage aakoziwin gichi niizaanag.
- Gegwa baapinidwaake nimiikiins bimaadag newen waasamo-asabi daminowinan, ginowaabmjiganan miinwaa mazinaatesijiginan. Dibasanzenan waasamo-asabi biiwaabikoons mazina-igan mazinaatesijigaans awii shkooniman waasamowin onji nendowendaagwog giigidowin.
- Niindaawen endayin giigido biiwaabikons gindaasowin odi gdo bemwijigaadeg giigido biiwaabikoons giishpin gagaandinigowin awii ani gajiboweyin.
- Alert Ready aawon Ganaada ado gichi niizaanag wiindamaagewin zhichigewin. Alert Ready miigwemigad gechi piitendaagwog miinwaa gnimaa bimaadiziwin zhaabwiimigag wiindamaagewinan gewe Canadians zhiwe mazinaatesijigan, madowewechigan miinwaa LTE-dikobidemigag miinwaa mina wiijibidemigag biiwaabikweyaabiins dowendaagosinag nikaaziwaans. Woshme gikendamowin odi [AlertReady.ca](http://AlertReady.ca).



[ontario.ca/BePrepared](http://ontario.ca/BePrepared)

ISBN: 978-1-4868-7104-9

# Gichi Niizaanag Zhiitaangh Onji Maajitaamigad Giin



Ontario 

[ontario.ca/BePrepared](http://ontario.ca/BePrepared)

## Inoodewiziwin Gichi Niizaanag Nikaaziwin

Epiichi gichi niizaanag gnimaa gaawii gdaa yaanziin gego waasamowin maage gnimaa gdaa gagwejiimigwo awii gajibowewin. Owi gichi niizaanag nikaaziwin digosinon nendowendaagwog nikaaziwin giin miinwaa gdo inoodewiziwin meneziwaad awii zhaabwii-aad onjike ayaayeg gnigen gwa 72 dibagiisiwaan minik. Ayaan owi nikaaziwin endaayin, enji nakiiyin miinwaa gdo daabaaningh. Gdo nikaaziwin adaa wenpanad awii bimidoongh miinwaa babaamwijiigaadeg dibishko gonaa mashkimad maage babaamaadizii makak. Aanji ndagikendan newen baandegin niizhing ensa biboon awii gagwekwendaman oshkiwiiwong owi mijim miinwaa nibiish, miinwaa oshkiwisidoon nikaaziwin giishpin dowedaagwog.

### Nikaaziwin nendowendaagwog

- bokinaang bemwijiigaadeg mashkimad/gidagiigini mashkimad/e-gaaching babaamaadizii mashkimad (awii biindeg nikaaziwinan nendowendaagwog)
- gaawii benaadsinag mijim miinwaa kikwaabikoons nisaaknigan
- modens maage mashkimidens biindeg nibiish (4L bezhig bemaadizid ensa giizhigag)
- mashkiki(kiin)
- giziidimegan miinwaa bekaanag bemaadizid dibendaasowin
- bemaadizid ginowendizad nikaaziwin (PPE)
- bemiwijiigaadeg giigido biiwaabikoons animikiins anokiweba igan miinwaa waasamowin ginowendaagwog
- zhoonyaa owi bangii epiitendaagwog zhoonyaa maziniginon
- bemwijiigaadeg waase-aag onjibaamigag dibishko gonaa waasakonenjigan, ondibaang baaskigaadeg waasakonenjigan maage waaskonenjigan mitigoons
- madowewechigan (kwaabiiginigaadeg maage animikiinsag nikaazangh)
- aanke animikiinsag
- ntam-naandowechige nikaaziwinan
- bimide waaskonenjigaansan miinwaa mashkodensan/ishkode-zaka igan
- ninjiin biinchigewin maage nesaabaa-eg moshweniigaansag
- igechi piitendaagwog maziniginon (ayaawiyin debwewin)
- aanke daabaan miinwaa wiigwaam gidaabikaganaan
- boodaajigaans (awii nondaajigaadeg ayaayin, giishpin minezingh)
- gibowaakogaadeg mashkimidensan (awii bwaa nisaabaa-eg nikaaziwinan)
- webinigan mashkimidan miinwaa bazagweginiyaab

Zhisidoon gdo nikaaziwinan awii miigsemigag giin meneziyin onji gdo inoodewiziwin. Giishpin giin maage gwaya gdo inoodewiziwin maakizid, nda gikendan gdo Gichi Niizaanag Zhiitaangh Zhinomaagewin onji Bemaadizijig Maakizijig odi [ontario.ca/BePrepared](https://ontario.ca/BePrepared) owi aanke gikendamowin owi age digosidowin gdo gichi niizaanag nikaaziwin miinwaa inoodewiziwin naaknigewin.

## Okaan Gichi Niizaanag Nikaaziwin

Biindigash gdo okaanag owi ntam naagwog owi gichi niizaanag. Giishpin aabdek awii gajibowewin, maajiish gdo okaanag giishpin waankiimigag awii zhichigeyin owi. Azhitoon okaan gichi niizaanag nikaaziwin miinwaa ginowendan wiji gdo inoodewiziwin nikaaziwin. Owi woshme gikendamowin, aga bigosenimigwo awii zhaayin [OntarioSPCA.ca/EP](https://OntarioSPCA.ca/EP).

### Onagim owa Gichi Niizaanag age ginonind

Gagwejim owa zaagiji odena gwijiikiwen maage e'nowemad awii aawid gdo gichi niizaanag age ginonind. Gdo gichi niizaanag age ginonind adaa ayaa ngoji bkaan zhiwe endinakiyin miinwaa kina zhiwe gdo inoodewiziwin adaa gikendaan adinooziwin, gindaasowin endaad miinwaa giigido biiwaabikoons gindaasowin. Apii gichi niizaanag, gnowendan gdo gichi niizaanag age ginonind awii oshki biigaadeg owi ayaayin miinwaa owi endogwe aji waankiyyin.

### Neniizaanag

Gikendan owi endinakiyyin neniizaanag zhiwe gdo kiing miinwaa awaa zhichigeyin owi ensa bezhig neniizaanag. Ninda ezhichigeyin gnimaa adaa bimajigon.



### Moshkangh

- Gegwa bimaseke, bagiske, maage bimidaabaangoke zhiwe enji moshkangh.
- Gegwa zhaake aazhiganan agiji-iing gizhiijiwong nibiish
- Giizhendan owi memaanji nishingh awii naagidowendiziwin onji owi dnowaa moshkangh
- Gajibowen giishpin wiindamogowin awii zhichigeyin owi.
- Naagidoon daabaanag nigaasjiginon miinwaa miikan gibaakogaadeg aasawaakogonan.



## Biboongh Nchiwag

- Miiwishkan kina nendowendaagosinag bibaayaangh miinwaa aanjisidoon gaawii nendowendaagosinag inaakinigaadeg.
- Bekaa ayaan biindig miinwaa ginowenim okanag biindig.
- Bapangigaatoon nibiish awii bwaa mashkowaakidingh biiwaabikoon.
- Giishpin agojiingh ayaayin, biiskoniyeen weweni owi ezhiwebak miinwaa nda-gikendizan owi mashkowaakidingh nagay wewiiba gwa.



### Waayese

- Azhaan namisag, maage egaachigh aajikinigan zhiwe memaanji dibashish endaayin dibishko gonaa asanjigo aajikinigan maage wiigwaamens..
- Ayaan naamiwiing e-zoongag doopawin miinwaa nikaazan gnikan awii ginowendaman gdib miinwaa okwegan.
- Giishpin ayaayin agoojiingh, azhaan memaanji besha e'zoongag wiigwaam maage dabino-igan, maage zhigishinon, gibaman gdib nikaaziwin gnikan awii ginowendaman gdib.
- GEGWA dibinoshinike naami-iingh gichi miikan aazhigan, zhiwe epiitaanimag adaa ombishkaamigag zaam owi zhiibaa-aanimag.

### Waasamowin Aatemigag

- Giishpin gdo besha endaaig waasamowin gewii aatenig, wiindamo gdo waasamowin maagwed naagaanzid.
- Gaawii wiikaa nikaazike akakazhe maage bimide gizhaabkizigan, agojiin e'nikaazangh jiibaakwe gizhaabkiziganan, maage endangh bimide maajiishkaachigan owi waasamowin biindig.
- Nikaazan waaskonenjigan mitigoonsan maage waaskonenjigan awii waabdameyin.
- Ginowendan gichi dakisijigan miinwaa makoomii taasiwin shkwaandeman gibaakogaademig. Gichi dakisijigan ada ginowendaan mijim mashkowaakidingh 24 – 36 dibagiisiwaan giishpin shkwaandem aabaji gibaakogaadeg.
- Ngoji bkaan ayaan newen agaa migisingh waasamo biiwaabikoonsan.

